



**Aningaasaqarnermut Akileraartarnermullu
Naalakkersuisoq**

Ulloq: 20. august 2025
J.nr.: 01.31.06/25-01143

**Aningaasaqarnermut Akileraartarnermullu Ataatsimiititaliap pingasunngornermi
ulloq 20. august 2025-mi aalajangiineranik Naalakkersuisunut ilisimatitsineq.**

**Suliffissanut isertarfiup nutaap ineriartortinnissaanut missingersuutitut
sunniuteqanngitsumik ilassutitut aningaasaliissutissanut qinnuteqaat.
Ataatsimiititaliap suliaa nr. 01.31.06/25-01143.**

”Naalakkersuisut inassutigaa,

*konto pingaarneq 31.07.02 Piginnaasanik ineriartortitsiviusumik pikkorissarnerit
pillugit aningaasaliissutit 2025-mi 4.873.000 kr-inik annikillisinneqassasut aamma*

*konto pingaarneq 82.20.03 Isumaginninnermut tunngatillugu IT-atortulersuutit,
suliniut nr. 40 088 Suliffissanut isertarfik nutaq pillugu aningaasaliissutit 2025-mi
4.873.000 kr-inik qaffanneqassasut.”*

Aningaasaqarnermut Ataatsimiititaliap oqaaseqaatai apeqqutaalu

Apeqqut 1:

Pilersuisussaq nutaq, suliffissanut isertarfimmik nutaamik ineriartortitsillunilu
ingerlatsisussaq, Kalaallit Nunaanniippa imaluunniit nunami allamiippa aammalu suliaassaq
sumiiffimmit suminngaanniit aqunneqassava?

Apeqqut 2:

Suliffissanut isertarfissamik nutaamik inerisaallunilu ingerlatsinissamik suliaassaq
suliffeqarfimmik nunatsinni angerlarsimaffeqartumit isumagineqarsinnaanersoq
Naalakkersuisunit misissorneqarsimava?

Aningaasaqarnermut Ataatsimiititaliap aalajangernera

Apeqqutit siuliani allassimasut akineqarnissaasa tungaannut Aningaasaqarnermut
Akileraartarnermullu Ataatsimiititaliap isummernissani **kinguartippaa**.

Inussiarnersumik inuulluaqqusillunga

Erik Jensen

Aningaasaqarnermut Akileraartarnermullu Ataatsimiititaliap siulittaasua